

Na osnovu člana 66. stav (1) tačke (k) Zakona o unutrašnjim poslovima Kantona Sarajevo („Službene novine Kantona Sarajevo“ broj: 1/16, 6/19, 26/19, 31/19 i 39/20), Odbor za žalbe javnosti Skupštine Kantona Sarajevo, na 44. sjednici održanoj dana 10.10.2022. godine, donosi:

P O S L O V N I K

O IZMJENAMA I DOPUNAMA POSLOVNIKA O RADU ODBORA ZA ŽALBE JAVNOSTI SKUPŠTINE KANTONA SARAJEVO

Član 1.

(Dopuna člana 23.)

U Poslovniku o radu Odbora za žalbe javnosti Skupštine Kantona Sarajevo („Službene novine Kantona Sarajevo“, broj: 21/21), u članu 23. stav (2) iza tačke g) dodaje se nova tačka h) koja glasi:

h) Izuzetno od odredbi tačke g) ovog stava zapisnik sa sjednice Odbora može voditi jedan od članova Odbora prisutnih na sjednici.

Član 2.

(Član 24. mijenja se i glasi:)

(Javnost rada Odbora)

(1) Sjednici Odbora mogu prisustvovati lica koja pozove predsjedavajući Odbora ili zamjenik predsjedavajućeg Odbora, uz prethodnu saglasnost članova Odbora.

(2) Na sjednicu Odbora mogu se pozvati i predstavnici određenih organa i službi radi davanja stručnih obrazloženja i objašnjenja, ali bez prava odlučivanja.

(3) Treća lica na sjednicama ne mogu učestvovati u radu Odbora, osim ukoliko zatraže i dobiju riječ od predsjedavajućeg Odbora. Treća lica su dužna poštovati dnevni red i Poslovnik o radu Odbora, u suprotnom a nakon upozorenja predsjedavajućeg, ista mogu biti odstranjena sa sjednice.

(4) Podatke i obavještenja o radu Odbora, sredstvima javnog informisanja daje predsjedavajući Odbora ili zamjenik predsjedavajućeg Odbora.

Član 3.

(Stupanje na snagu)

Ovaj Poslovnik stupa na snagu narednog dana od dana objavljivanja u „Službenim novinama Kantona Sarajevo“.

Broj: 01-04-22224- 1/21

Sarajevo: 10.10.2022. godine

PREDSJEDAVALJUĆI ODBORA

Esad Solak